



OFFICIUM
MAJORIS HEBDOMADÆ
ET OCTAVÆ PASCHÆ

CUM CANTU
JUXTA ORDINEM
BREVIARII, MISSALIS ET PONTIFICALIS ROMANI

—♦—
EDITIO COMPENDIOSA I JUXTA TYPICAM



RATISBONÆ
SUMPTIBUS ET TYPIS FRIDERICI PUSTET
S. SEDIS APOST. ET S. RITUUM CONGREGATIONIS TYPOGRAPHI
1923

Imprimatur.

Ratisbonæ, die 11 Decembris 1922

Dr. Scheglmann Vic. Gen.

ANTE DIVINUM OFFICIUM

Ante quam inchoetur Officium, laudabiliter dicitur, sub singulari semper numero, sequens Oratio; pro qua Summus Pontifex Pius X Indulgentiam centum dierum concessit.

Oratio

Aperi, Dómine, os meum ad benedicéndum nomen sanctum tuum: **M**unda quoque cor meum ab ómnibus vanis, perversis et alienis cogitationibus; intellectum illúmina, afféctum inflámma, ut digne, atténte ac dévote hoc Officium recitare váleam, et exaudíri mérear ante conspécturn divinæ Majestatis tuæ. Per Christum, Dóminum nostrum. R. Amen.

Dómine, in unióne illius divinæ intentiónis, qua ipse in terris laudes Deo persolvisti, has tibi Horas (*vel* hanc tibi Horam) persólvo.

ANTE SINGULAS HORAS

Ante Matutinum, sicut et ante Laudes a Matutino extra Chorum separatas, et ante omnes Horas, præter quam ad Completorium, dicitur secreto:

Pater noster, qui es in cælis, sanctificétur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum cotidiánum da nobis hódie. Et dimítte nobis débita nostra, sicut et nos dimittimus debitóribus nostris. Et ne nos indúcas in tentatióne: sed libera nos a malo. Amen.

Ave María, grátia plena; Dóminus tecum: benedicta tu in muliéribus, et benedictus fructus ventris tui Jesus. Sancta María, Mater Dei, ora pro nobis peccatóribus, nunc et in hora mortis nostræ. Amen.

In principio autem Matutini ac Primæ additur secreto Symbolum Apostolorum:

Credo in Deum, Patrem omnipoténtem, Creatórem cæli et terræ. Et in Iesum Christum, Fílium ejus únicum, Dóminum nostrum: qui concéptus est de Spíritu Sancto, natus ex María Vírgine, passus sub Póntio Piláto, crucifixus, mórtuus, et sepultus: descendit ad íferos; tértia die resurréxit a mórtuis; ascéndit ad cælos; sedet ad déxteram Dei Patris omnipoténtis: inde venturus est judicare vivos et mórtuos. Credo in Spíritum Sanctum, sanctam Ecclésiam cathólicam, Sanctórum communiónem, remissiónem peccatórum, carnis resurrectiōnem, vitam ætérnam. Amen.

POST SINGULAS HORAS

In fine Laudum, vel, si post Laudes immediate subsequatur alia Hora, in fine ultimæ Horæ, sicuti et semper in fine Completorii, quamvis immediate sequatur Matutinum diei sequentis, tam in publica quam in privata divini Officii recitatione; atque in publica insuper recitatione post alias quascumque Horas, si tunc terminetur Officium et discedatur a Choro, dicitur, pro Temporis qualitate, una ex Antiphonis finalibus beatæ Mariæ Virginis.

I. Post Laudes ac ceteras Horas, præter Completorium, dicto Versu Fidélium ánimæ et Oratione Dominica secreto recitata, subjungitur:

V. Dóminus det nobis suam pacem.

R. Et vitam æternam. Amen.

Atque statim dicitur una ex eisdem Antiphonis finalibus, ut suo loco habetur.

II. Post Completorium vero, recitata Benedictione Benedicat et custódiat nos, immediate subjungitur una ex ipsis Antiphonis finalibus, ut suo loco habetur.

III. Absoluta vero Antiphona finali cum suis Versu et Oratione, concluditur:

V. Divínum auxilium máneat semper nobiscum.

R. Amen.

POST DIVINUM OFFICIUM

Cum expletum fuerit Officium, laudabiliter dicitur sequens Oratio; quam devote post Officium recitantibus Summus Pontifex Leo X defectus et culpas in eo persolvendo ex humana fragilitate contractas, indulxit. Dicitur autem flexis semper genibus in privata etiam recitatione, præterquam ab iis, qui ob certam infirmitatis vel gravioris impedimenti causam nequeant genuflectere.

Oratio

Sacrosánctæ et indivíduæ Trinitati, crucifixi Dómini nostri Jesu Christi humanitati, beafíssimæ et gloriosissimæ sempérque Virginis Mariæ fecundæ integrítati, et ómnium Sanctórum universitati sit sempitérna laus, honor, virtus et glória ab omni creatúra, nobisque remíssio ómnium peccatórum, per infinita sǽculórum.

R. Amen.

V. Beáta víscera Mariæ Vírginis, quæ portavérunt æterni Patris Filium.

R. Et beáta úbera, quæ lactavérunt Christum Dóminum.

Et dicitur secreto Pater noster et Ave María.



Pro Triduo Sacro

Ant. Christus factus est pro nobis obediens usque ad mortem.

Secunda nocte additur:

Mortem autem crucis.

Tertia nocte additur:

Propter quod et Deus exaltavit illum, et dedit illi nomen, quod est super omne nomen.

Et sic dicitur etiam per omnes Horas diei.

Cum incipitur Antiphona Christus factus est, omnes genuflectunt: et ea finita, dicitur Pater noster totum sub silentio. Postea aliquantulum altius sequens

Psalmus 50

Miserere mei, Deus, * secundum magnam misericordiam tuam. Et secundum multititudinem miserationum tuarum, * dele iniquitatem meam.

Amplius lava me ab iniquitate mea: * et a peccato meo munda me.

Quoniam iniquitatem meam ego cognosco: * et peccatum meum contra me est semper.

Tibi soli peccavi, et malum coram te feci: * ut justificeris in sermonibus tuis, et vincas cum judicaris.

Ecce enim in iniquitatibus conceptus sum: * et in peccatis conceperim me mater mea.

Ecce enim veritatem dilexisti: * incerta et occulta sapientiae tuae manifestasti mihi.

Asperges me hyssopo, et mundabor: * lavabis me, et super nimis dealabor.

Auditui meo dabis gaudium et laetitiam: * et exultabunt ossa humiliata.

Averte faciem tuam a peccatis meis: * et omnes iniquitates meas dele.

Postea sine Orémus dicitur simili voce

Oratio

Réspice, quæsumus, Dómine, super hanc familiam tuam, pro qua Dóminus noster Jesus Christus non dubitavit manib[us] tradi no[n]centium, et Crucis subire tormentum: Sed Qui tecum vivit dicitur sub silentio.

Ad Offic. Maj. Hebd. 8^o

Cor mundum crea in me, Deus: * et spiritum rectum innova in visceribus meis.

Ne projicias me a facie tua: * et spiritum sanctum tuum ne auferas a me.

Redde mihi laetitiam salutaris tui: * et spiritu principali confirma me.

Docébo iniquos vias tuas: * et impii ad te convertentur.

Líbera me de sanguinibus, Deus, Deus salutis meæ: * et exultabit lingua mea justitiam tuam.

Dómine, lábia mea apéries: * et os meum annuntiabit laudem tuam.

Quoniam si voluisses sacrificium, dedissem utique: * holocáustis non delectaberis.

Sacrificium Deo spiritus contribulatus: * cor contritum, et humiliatum, Deus, non despicies.

Benigne fac, Dómine, in bona voluntate tua Sion: * ut aedificentur muri Jerúsalem.

Tunc acceptabis sacrificium iustitiae, oblationes, et holocáusta: * tunc impónent super altare tuum vitulos.